
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google[™] books

<https://books.google.com>



78. B. 247

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

78.Bb.297

78. 26. 197.

G O L U B.

I g r o k a z

v u

chetireh Zpeljavanjih.

Z p i s z a l

Ljudevit Farkas.

Vu Zagrebu,
Pritizkano pri Ferencu Suppanu.
1 8 3 2.

O s z o b e,

Radbud knez Ztermogorzki.

Ztaniszlava, njegva tovarushica.

Ljudmila, njihova kchi.

Szlavoljub knez Oborgradzki.

Szvojko Radobojzki

Boromir Orusinzki

Zlobor Magjarevich

} Vitezi.

Lomovrat, kluchar pri knezu Ztermogorzkom.

Jela, njegva kchi.

Szlugi. Vojaki.

**Chin biva v' Horvatzkom, vu jedenaj-
ztom ztoletju.**



Zpeljavanje prvo.

Prizor prvi.

Szoba vu Oborgradu.

(*Szlavoljub Oborgradzki i Szvojko Radobojski,*
ztupe nuter.)

Szvojko.

Chudnovito zaizto mi sze vidi, moj vi-
teski Gozpone! da sze tak turobno dersi-
te, kde vendar vasha navada drugach je
veszelomu biti.

Szlavoljub.

Chizto szem sze premenil, prav imash,
— ali i imam zrok saluvati sze.

Szvojko.

Bash mi sze vidi kak da bi sze pri vche-
rashnjih goztech vsza vasha veszelozt poje-
la, i popila bila. — Kaj vasz na tuliko
trapi? —

Szlavoljub.

Iztina je, vcherashnji i zadnji bojne igre *) dan jeszu mi mir mojega sivlenja vzeli.

Szvojko.

O! proszim vasz, onog' dana mi najte niti zpomenuti. — Mislil szem, mech mojega Szlavoljuba bude chuda chinil; i put! niti jedenput v'red vojujuchih ztupil ni je.

Szlavoljub.

Ne szudi prenaglo, poszluhni, zakaj tak dogodilo sze je. — Moje oko, na pogledu vnosine senzkich glav seljno paszech sze, zpazishe jednu divojku, koja vu lepoti angel beshe. — Ona, kak chul szem, bila je odluchena za razdelenje cene harca, — ali najenkrat szudci premenili szu volju szvoju, i ova dika bila je drugi odszudjena. — Zgubil szem volju, i niszem vojuval.

Szvojko.

Iz toga josh zrok vashega saluvanja ne-zpoznavam.

*) Waffenspiel, Turnir.

Szlavoljub.

Pitam za njeino ime, i preszenetilszem sze, — ar chujem, da je Ljudmila kchi kneza Ztermogorzskoga, koj kak znash moj naj vekshi nepriatelj jez.

Szvojko.

Ona, od koje vitezi vchera pri obedu tak vnoga lepa dugovanja povedali szu?

Szlavoljub.

Ona je, — ona! viteska divojka! zakaj njein pogled moral je mir szerdca i szrechu sivlenja mojega vzeti? — Szvetuj ztarche! kak nju videti? kak zadobiti budem mogel? moja mora biti, ali ja mertev!

Szvojko.

Zpriateljete sze predi z' Radbudom, onda more kaj biti.

Szlavoljub.

Jeli shtimash? — ali szerditozt njegva, kak navaden je rechi, proti meni je neizbrisljiva.

Szvojko.

Obchuvaj Bose! — Morati je zkushati; nebi bilo poshteno chloveku, koj drugoga nikdar zbantuval nije, priateljstvo

zkratiti. — On vasz proszil ne bude, zato prichmete vi, koj zte mlajshi.

Szlavoljub.

Szegurno na tuliko ponizil sze ne bi, ali dobichek je Ljudmila, za nju meni nikaj nemoguchno ni je. — Ali kak dojdem vu Ztermogoru, kada mi je zkrajeno priztupiti? —

Szvojko.

Vu opravi putnichki lahko v' grad dojdemo, i njihovu miszel proti vam zezvemo. — Vi budete gledeli, da z' Ljudmilum govorite, z'tem odidemo. Ako dobro od vasz miszle, — no onda — szamo mene poshljete tam, i vadjamo sze, da vasz pomirim.

Szlavoljub (veszelo.)

Szvojko! ako to szrečno zide, ako Ljudmila bude moja, onda naj lepshi mojih gradov budi tvoj i tvojeh odvetkov imetek!

Szvojko.

Vasha szrecha, bude moja placha. — Verujte meni, da chutenje drugoga szreche zrok biti, vnogo szlajshe i vugodnejshe zvoni, kak vszi penezi.

Szlavoljub.

Verni ztarche! Znam, da vesh moj imetek, bogatstvu szerdca tvojega niti bli-
zo ne dojde (k'njemu ztupi, i rame mu po-
treptje) ali zato vendar Szlavoljub neza-
hvalen ne bude. (odide).

Prizor drugi.

Szvojko szam.

(za njim gledech.)

Viteskoga szerdca mladenec, chizto razluchen od szvojeh pajdashov, — vno-
gi tihejsi, i mirnejshi, kak drugi vezdash-
nji vitezi. — Da bi njegov otec tak tih,
i miren bil, tulike nepriatelje szebi i szvo-
jemu szinu prizkerbel ne bi; — ali naglozt.
— Tak, kajti jedenput ljudi kneza Zter-
mogorzkoga na nashu ztran v'lov doshli
szu, vsze kopove njihove je dal potuchi;
— na to knez Ztermogorzki na tuliko raz-
ljutil sze je, da naj vekshi nepriatelj kne-
za nashega poztashe; — kaj tulikajshe, dok
pokojni sivel je, verno je zpunil, i vez-
da, kak videti je, nepriateljstvo proti sz-
inu ponavla. — Za szegurno, ako mu Bog
mosgjane ne zmekcha, teshko nash po-
szel dober konec imal bude. — Med-

temtoga zaupajmo sze v'Boġa, i ne zdvojmo taki. On je, koj vu szvoji mudrozti vsza ravna, (odide na levo).

Prizor tretji.

Boromir Orusinzki, i Szlavoljub Oborgradzki, (dojdu.)

Boromir.

Budi veszel moj Szlavoljube, z'turobnoztjum nikaj ne zadobish! — Hitro k'delu, kaj nakanil sz chiniti, chini; zaizto nikaj shtentati sze naj, ar Zlobor Magjarevich verno sznubi ztarejshe, da mu Ljudmilu za tovarushicu dadu, i kak hash vezda chulsem, vre njihovo dopushtjenje ima.

Szlavoljub (chudech sze).

Jeli moguche? — Kaj to govorish? — To ne more iztina biti! Zlobor meni to ne bi bil zamuchal. — On i ti jezte jedini, koje iztinzke priatelje imenuvati morem.

Boromir.

Velim ti, da nad mojim izgovorom dvojiti naj, szegurno znam, da iztina je, kaj govorim.

Szlavoljub.

Ha! szram ga budi malovrednjaka! znano mu je, da Ljudmilu goruch ljubim. Kakti priatelj Radbuda obechal mi je na pomoch biti, — i nut! — himbeno podkapa szrechu moju. Zato hitro k' knezu tam, da vkanljivca delo josh vu pochetku prevernem.

Boromir.

Szamo ne tak naglo, ti zaljubljeni chloveche! Pazi sze, da ljubav tvoja chizto szlepa ne bude. Iztinzki govorech, ova ljubezljivozt je takovo dugovanje, koje sze vitezu niti ne priztoji.

Szlavoljub.

Szerdce ljubavi vszevdil zaperto, nikaj chlovechanzkoga vu szebi nema.

Boromir.

Zaizto, lepo szudish od mene.

Szlavoljub.

Ne prevech zlo, moj Boromire! joshche pravu niszi nashel.

Boromir.

Takovu, ako Bog hoche, niti nashel ne budem.

Szlavoljub.

Ti szi anda glaszovit mus, vekshi josh od onog' neizmernoga sen nepriatelja Arzenia. Bude vendar jedna tebe, kak i njega obladala.

Boromir.

Nechu sze duse pregovarjati. Nakannenje moje je, sen sze habati; Vu oztalom zastanovitujem te, da Boromira mech vszaki hip pripraven je za Szlavoljuba mojega vojuvati. (ruknu sze, i odidu obodra).

Prizor cheterti.

Szoba vu Ztermogori.

Ztaniszlava i Ljudmila (dojdu.)

Ztaniszlava (karajuch.)

Ja pod nikakov nachin terpela ne budem, da ti ov cherleni zobunec noszila budesh, — ovo nepriztoji sze, — ochivešno znam, da po ovakvi shegi opravu nijedna divojka nasheg' plemenitoga pokolenja noszila ni je.

Ljudmila.

Draga mati! em niti ja doszada noszila niszem, ali —

Ztaniszlava (v'rech padnuch).

Kaj ali? — To szu ztanovito oztanki od zadnje bojne igre; znam da ti sze je koj vitez z'cherlenum szvitum dopal? —

Ljudmila.

Zaizto zgadjati jako dobro znate; — kaj budem tajila? — mladi Szlavoljub knez Oborgradzki mi sze je dopal, i kajti njemu cherlena szvita tak lepo ztashe, nakanila szem zkushati, kak sze meni cherlena bója *) bi priztojila.

Ztaniszlava.

Za vezda jako zlo jeszi zebrala, ar Szlavoljub je nash naj vekshi nepriatelj; njegvo ime pred otcem niti napervodonezti ne szmesh, — i drugach tulikajshe, divojka, koja vre odluchenoga mladenca za tovarusha ima, za drugemi gledeti ne szme.

Ljudmila.

Zakaj je nepriatelj? — kajti otec je bil, jeli anda i szin biti mora?

Ztaniszlava.

Tak je. Szin odvetek je otchinzkoga

*) Garbe.

imena, gerba, *) imetka, poshtenja, neposhtenja, z'rechjum, vszega.

Ljudmila.

Zato izto prosim vasz, dopuztete mi ovo jedino, kaj me na njega zpomina, nosziti.

Ztaniszlava.

Zakaj ne vgasznych izkru, koja nikdar plamnuti ne szme? — Vu klici mora szetn zkoreniti, da k'drevu zrashtjen orusju kerchitelja ne szuprotztavi sze.

Ljudmila. (saložno).

Ah! Bog vidi tusno szerdce moje! — ja Zlobora ljubiti ne morem — Chutim, da ljubav proti Szlavaljubu vu szerdcu mojem zadushiti ne morem.

Ztaniszlava.

Budi zpametna, moje dete. Ne poznash Szlavaljuba, ne znash jeli te ljubi. —

Ljudmila.

O! za szegurno ljubi! — videla szem, kak njegvo oko seljno na meni pochivalo je, — onak ne gledi mladenec na divojku, kojega szerdce goruch ne ljubi.

*) Wappen.

Ztanislava.

Poztavimo, da te ljubi. Dika i hrabrenost mora kinčiti onoga, koj tebe zadobiti hoče. Kak mi sže pak vidi, ovaj mladi vitez nima pravu volju meč paszati. Zadnjiput — chuj szamo, velim ti, zadnjiput pri bojni igri niti jedanput vu red vojujucheh ztupiti ni sže podupal. To sže je Zlobor drugach der-sal, — on bil je obladavec vszeh.

Ljudmila.

Proszim vasz, hrabrenost Szlavoljuba ne kudete. Pokazal je nju vu dalech-njem orszagu krivovercev, i v' vnogih iz-tinzkih bojeh; — na ovu pako igru orusja zaizto vnogo gledeti ni je.

Ztanislava.

Ej kak mudra szi ti! — i to najenput vezda. — To pervikrat od tebe chujem, koj igrati ne podupa sže, on vu iztini josh menje valal bude. Za vezda ti pak tuliko povedati morem, da Szlavoljuba oztavi.

Ljudmila (turobno).

Tak nikde pomoch? — chizto szem oztavljena? — vi, ljublena mati pomoze-

te, szmilujte sze nad menum! — (mater ogerlech) Pomozete! ar zaizto zkom bude keszno!

Ztaniszlava

(zvine sze polahko 'z njeinog' naruchaja.)

Zaupaj sze vu Boga, moja kchi, on pomogel bude. — Szama szi videti mogla, da Zlobora odurjavam, — ali volja mojega Radbuda je nepremnljiva; kaj za te vchiniti morem, zaizto zapuztila ne budem. — (chuje sze vani koracati) Chuj — ide otec tvoj — bolje bude, da te vezda ne vidi, — hodi moja Ljudmila, hodi.

(odide turobno na levo.)

Prizor peti.

Radbud knez *Ztermogorzki* (dojde szerdito, za njim) *Zlobor Magjarevich*,

Zlobor.

Jeli niszem vam prav povedal? da szu njegvi ljudi.

Radbud.

Zaizto prav zte povedali; — ali fantiti sze hochu, na moju dushu, ztrashno! — (k' Ztaniszlavi, naglo) kaj ovde delash?

Ztaniszlava.

Tebe moj tovarush selela szem videti;
kaj te szerdi? kaj je? —

Radbud.

Sene vsze znati nemoraju! — Bash
mishlish imam volju, tebi pripovedati.

Ztaniszlava (k'Zloboru).

Povedjte vi Zlobor meni, kaj sze je
dogodilo?

Zlobor.

Dobroga szuszeda Szlavoljuba ljudi,
lepo gozpodarili szu vu dersavi kneza,
preharili szu dobro pepelare, i nje vu
vuze odpelali.

Ztaniszlava.

To za szegurno od Szlavoljuba ne do-
hadja, on vszikdar nam dobro hoche.

Zlobor.

Jezte chuli vitesse?! (szmeje sze) do-
bra gozpa, vszakoga blisnjega ljubi, i
brani.

Radbud.

Meni sze vidi, da mladi josh gorshi
bude od ztaroga; — ali z'ovem budem

zkorom gotov. (oahtro k'Ztaniszlavi) Ztaniszlavo! ja selim, da odidesh.

Ztaniszlava.

Zdrav hudi moj tovarush. (odide).

Prizor shezti.

Radbud knez Ztermogorzki, i Zlobor Magjarevich.

Zlobor.

Bekli zte predi, da z'mladim zkorom budete gotovi, velim vam, da je mladenc, kojemu med vszemi vitezi para ni je.

Radbud (gizdavo).

Mislim vendar, da Radbud knez Ztermogorzki njega obladal bude! — kaj vi szudite? —

Zlobor.

Ni malo ne dvojim. Nego poszla budete imali, dok ga potlachite.

Radbud.

Budemo videli, jeli taj poszel tuliki bude.

Zlobor.

Chujte szada, kaj vam povem. Zadnjiput kad pri Szlavoljubu bil szem, valual mi je, da vashu kcher ljubi, zato zpriateljiti sze je nakanil z'vami, razmeva sze, dok nju szamo jenput dobi. — Menę je proszil, da ja kakti vu vashi hisi prijet, za njega, kde kaj morem, vu tom poszlu vchinim. Priateljzki anda vasz opominjam, da sze ga chuvajte, ima, kak mi sze vidi, veliku selju za vashim imetkom, koj po kcheri zadobiti upa sze.

Radbud.

Dobro da znam. Vre mu ja volju z'menum ozetiti sze vzemem.

Zlobor.

To szem szii taki miszlil, (prilizavajuch sze) Niti ne shtimam, da tak djedjeren vitez, kakov zte vi, rech szvoju ne bi dersal, nili? — Ljudmila bude moja?

Radbud.

Prez vszake dvojmbę. Vrednejshega viteza za nju ne nahadjam. (ruku mu poda) Josh ove dane budem imal veszelje, vasz mojega szina imenuvati.

Zlobor (veszelo.)

Moj otec! — kdo onda vu szrechi me-
ni bude jednak.

Radbud.

Dozta od toga, szerditozt moja mene
drugam zove, nemir mojeg' gizdavoga
szuszeda moram kashtiguvati.

Zlobor.

Prav imate, niti naj menjshe dugova-
nje prepuztiti sze ne szme, ovi ljudi i o-
nak jeszu jako prevzetni.

Radbud.

Za vezda ztanovito dusen mu nechu
oztati! (zove chesz vrata) Ivan!

(szluga dojde.)

Radbud (k'szlugi)

Naj sze mahom moj konj oszedla, i
jeden kup vojakov pripravi. (eshitro) Ma-
hom velim, ov hip budetno odjahali.
(szluga odide) Vi moj vitesze budete med-
temtoga chubar mojega grada.

Zlobor (nakloni sz.)

Dok sivem.

Radbud.

Na zkorom vidimo sze. (odide.)

Zlobor.

Veszeli sze Szlavaljube! dobro idu dugovanja. (odide.)

Prizor sedmi.

Szoba kluchara, vu Ztermogori.

(Od zada pri zidu na ztolu ztoji kerletka, vu njoj je golub, *Jela* i *Ljudmila* mu hranu davaju.)

Jela (vodu natochi v'kopanjicu, i v'kerletku dene.)

Na, na! pij moj golub, daj ti Bog sedju.

Ljudmila.

Puzti i mene; ti szii mu pilo dala, ja mu moram jelo dati. (da mu.)

Jela.

Daj mu szlobodno, daj, morash ga k'szebi privuchati; more biti, da ti ga bude treba.

Ljudmila.

Kak to razmesh? kak mi ga bude treba? (zapru kerletku i idu naprej.)

Jela.

Lepo. Tvoj Szlavaljub ako k'tebi ne

bude mogel, ovoga goluba mu damo, po njim ti lizteke more poshiljati.

Ljudmila.

Kaj to govorish? moja Jela! kdo bi njega navchil lizte nosziti, (turobno) O! Szlavljolube — o! ne zovi mojega, to nikdar ne bude!

Jela.

Vuchiti ravno ga ne bude potrebno, ar vre vnogog' lizteka v'szvojem klunu je preneszel, kak mi je otec povedal.

Ljudmila.

Zaizto? tak zna? to je lepo. More biti, ah! ali kaj miszlim, — ako vendar haszen bi mu vzeti mogla (veszelo) Szlavljolube! ja chutim, da szrechni budemp!

Jela.

O! kak javchesh za njim, a da ti vezda szim dojde, bi sze dala tri vure predi prosziti, nek bi mu szamo rekla, da ga rada vidish.

Ljudmila.

To je vre nasha navada. — Gizdozti senzki dopada sze, kada musku glavu pred szobum proszechu, i szebe tak seljno gledechü vidi — jedno malo bi me i

szram bilo ; znam, da niti ti drugach vchila ne bi.

Jela.

Zaizto nebi. To mora naj lepshi hip nashega sivlenja biti, kada tak lepoga mladenca goruch ljubehega, pred nami na kolenah vidimo ; onda bi mu sze mahom na vrat hitila, i z'kushci ga zadushila. —

Ljudmila.

Glej nju szamo ; kak to govori ? Bi te zkupo prodal, ki te ne bi poznal.

Jela.

O, szamo ti muchi. Josh moj golub kreljuti zgubi od guztog' prenashanja liztov.

Ljudmila.

Prez vsze shale, ako morebiti vendar bi bilo potrebno, ja miszlim, da sze na te zanezti morem.

Jela.

Bi me zaizto zbantuvala, da nad iztinitoztjum mojega priateljztva dvojish.

Ljudmila.

Znam moja Jela, da me iztinzki ljubish, oprozti, szamo shalila szem sze. Kaj ti veszeloga povedati morem, da mati mo-

ja ljubavi moji proti Szlavoljubu ni je zezema szuprotivna.

Jela.

Z'tem bolje. Dok szamo on szam dojde, vsze sze onda oberne.

Ljudmila.

Miszlish da szam dojde? Bi, i ne bi se lela, ar je jako nagel moj otec, — bi moglo zlo ziti,

Jela,

Da doshel bude, niti ne dvoj. Kaj sze pak otca tvojega dotiche, ne miszlim, da bi sze na tuliko zabil, i njemu kakti goztu szvojemu kaj salnoga vchinil.

(chuje sze Zlobor vani govoriti.)

„Hodte szim Lomovrat, imam sze nekaj szilnoga z'vami zpominjati.“

Ljudmila.

Chuj Zlobor ide! vezda idem, zdrava budi moja Jela! (odbesi na ztran.)

Jela.

Bog z'tobum!

*Prizor oszmi.**Zlobor Magjarevich, i Lomovrat (dojdu.)**Lomovrat.*

Kchi moja, kaj mudish? hodi na tvoje poszle. Ako kdo za me pital bude, reci, da me ni doma.

Jela.

Razmem moj otec. (odide.)

Lomovrat.

Vezda szmo szami, kak ztoje vasha dugovanja vitesa?

Zlobor.

Do szada josh dobro. Lehko mi je bilo za peneze najti ljudi, koji pepelare kneza jeszu jedno malo zklopali; podvuchil szem je na dalje, da ja z'Radbudom dojdem, i kad jednoga zmed njih vlovim, naj valuje, da je szluga kneza Oborgradzkoga. I tak bilo je. — Nakaj, to sze razme, Radbud jako razlutil sze je; ali vendar kak mi miszlili szmo, njemu boj nazveztil ni je. Zato nekaj drugoga zmiszliti moramo.

Lomovrat.

Lehko sze kaj najde. (miszli.) — Znam

kaj. Vi odjashete v' Oborgrad, i Szlavoljubu povedjte, da Radbud ni je tak jako, kak szi on miszli, ljut, i ako Szlavoljub k'njemu bi doshel, da bi sze lahko pomirili. — Morete josh povedati, da ga Ljudmila jako ljubi, i videti seli; onda szegurno znam, da szim dojde. Kada jenput ovde bude, z'Radbudom sze zeztane, onda mu sze Bog szmiluj!

Zlobor.

Dobro! viteski! to na nikakov nachin nasz vkaniti ne more. Nego za vezda josh ne bi sešel, da sze Szlavoljubu kaj pripeti, razmeva sze, neprilichnoga — na njega bude mochi krivnju hititi. — Em razmete? kaj hochu rechi.

Lomovrat.

Hm — razmem — miszlite (malo tihejshe) Radbuda, — kaj ne? szvetju —

Zlobor (ogledne sze tiho.)

Vgasznuti; — z' Ljudmilum drugach sivetiti ne morem; da tuliko bogatzstvo nimam, nikdar za tovarushicu ju jemal ne bi. Onak ako Radbuda ne bude, vu njegoveh gradeh ztanuvati budem mogel, moj bude onda vesz njegov imetek!

Lomovrat.

Tak, tak — i toto szi lahko pomoremo; — v'iztom boju, ako ne predi kneza 'z szveta zpraviti moremo; do onog' vremena vre nam josh kaj na pamet dojde.

Zlobor.

Ztarche! vi budete Bogu rachun davalí za zlochine moje, ár vi meni szvetujete; ja níkaj ne delam, szamo da tolnache vashe zvershavam.

Lomovrat.

Dajte szi mir, vezť moja gliboko je zazpala, niti tak hitro zbuditi sze ne more.

Zlobor.

I ja szudim, takovoga kaj miszliti je bedazto; chlovek szi pomore, kak more. — Kada nam jenput Radbud ne bude v' putu, onda i Szlavljuba lahko vugnemo. Njegov i Radbuda imetek — vezť vu moji ruki, ha! kak szvetla i koriztna je to buduchnozt, onda z'nijednim krajem menjal sze ne bi!

Lomovrat.

Szamo zpametno treba je tirati poszle, i szegurno dojdemo k'cilju.

Zlobor.

Chizto vasz poszluhnul budem, onda miszlim, da pod obrambum takovoga meshtra zabluditi ne morem.

Lomovrat.

Szeda je vre moja glava, ztari szem ja malovrednjak. — Nego hodte, hodte vezda k'Szlavoljubu, kratko je vreme, haszen mu sze vzeti mora.

Zlobor.

Ne zkerbite sze. — Z' Bogom.

(odidu na razluchne strani.)

Zaztor opadne.

Zpeljavanje drugo.

Prizor prvi.

Lozovna okolica. Na levo, na jedni pe-
chini vidi se ztran grada Ztermogorzkega.

(*Szlavoljub knez Oborgradzki, i Szvojko Ra-
dobojzki dojdou od deszne ztrani, obodva vu
putnichki opravi, za njimi vu daljini ide szlu-
ga, shishake dva, i kepenjke noszechi.*)

Szlavoljub.

Szamo zpametno moj Marko! prevle-
chi sze vu lozu na drugi ztrani grada po-
ztavljenu, onde na nasz chakaj; chujaj
sze, da te nikdo ne zpazi. (szluga qdide na
levo.) Blizo jeszmo meztu nashega cilja.
O! kak vugodno je hlizo biti onemu me-
ztu, vu kojem ljublena nashega szerdca
ztanuje! on izti zrak dihati! z' njum
zkupa ztanuvatj mochi! mora radozt ne-
bezka biti! — (gledi na grad.)

Szvojko.

Polahko! polahko! premiszlete, da sze prepovedati moremo, da vasz kdo vidi; — z' mirnim szerdcem morate vi iti, vtishete za chasz chutenja vasha.

Szlavoljub.

Ha! kak hoche tvoje za ljubav nechutljivo merzlo szerdce mene podvuchati! ztrah te je, da sze ne bi prepovedali? szlobodno. — Kaj mech moj nimam pri meni? Kaj shtimash, da ja za Ljudmilu vojujuch ztotine obladal ne bi? — Zpraviti hochu vsze szluge i vojake moje, prevernuti grad! z' mechem v' ruki nju zado-biti!

Szvojko

I od kadecheg ogorkov i podertinj grada, vmorjeneg ztarejsheh, vi njein vmoritelj i zgrabljivec imetka hochete tugujuce dete za tovarushicu pelati?! — Premiszlete! kam vasz je nagla selja odpelala? kaj to govorite?

Szlavoljub (preszenetjen poszlusha, gliboko zdehne, i Szvojka za ruku prime.)

Prav imash ztarche! niszem bil prav pri szebi, jeli moresh oproztiti? moch ljubavi chizto me je prevzela.

Szvojko.

Chujte, predi nego idemo; — vugodnoga nikaj ni je, ali znati morate. Denesz v'jutro jeszu pepelari kneza Ztermogorzkoga polovljeni, i premiszlete szamo tu zlocheztochu, oni okrutni tolvaji valuvali szu, da szu od vasz to vchiniti v'putjeni. Morete sziz miszlti, da szerditozt Radbuda proti vam josh veksha je.

Szlavoljub.

Tak anda josh i to? kada jenput neszrecha mene pregajnati preztane!? — O! Ljudmila! Ljudmila! zmir nove i nove preprechke poztavljaju sze mojemu pribli-savanju! zadnjih budesh ti meni nedoztigljiva! — kaj bude chiniti?

Szvojko.

Miszlim, da od puta, koj szebi napervo vzeli jezte, odztupili ne budete! — Ali zte sze tak jako preztrashili? Zmiszlete sze, kaj Zlobor vam povedal je, da knez Radbud na vasz na tuliko ne ljuti sze, i da pripraven je, vashe priateljstvo prijeti.

Szlavoljub.

Iztina, to mi je povedal, zato hitro k'poszlu! Ti Bose! koj dobre chine lju-

bish, budi na pomoč mojemu dobro činiti se lechemu s serdca. Hodi Szvojko! hodi!

Szvojko.

Idemo vu ime Bose.

(odidu na levo.)

Prizor drugi.

Szoba vu Ztermogori.

Jela i Ljudmila (dojdu.)

Jela.

Veszeli sze! raduj sze! smej sze! doshel je, doshel! — zaizto Ljudmila, videla szem ga, lep mladenec.

Ljudmila.

Kdo je doshel? Jeli ti sze je pamet zmeshala? govori!

Jela.

Kdo? — kak moresh tak zpachno pitati? kdo bi doshel? Szlavoljub je doshel.

Ljudmila (veszelo.)

Kak to znash? kdo ti je povedal? kde szu ga videla? govori.

Jela.

Vezda bila szem vu predvoru, i vide-

la dva putnike dojtí, jednoga ztaroga, akoprém i on drug veliku bradu imal je, ali znam da mu nikdar zraszla ni; — mora on biti, szamo nezpoznanljivoga hoche szebe vchiniti.

Ljudmila.

Kajti prav ne znash, moja Jela, bolje bi bilo, da nikaj niti povedala ne bi. Szamo za kratki chasz szí me razveszelila, da vezda josh turobnejsha biti moram.

Jela.

Ne salozti sze, ako prav znati hochesh, chuj; jeden szluga nash ztari, koj putnike te vidishe, meni povedal je, i zassegural, da Szlavlójuba mahom zpoznashe.

Ljudmila.

Ah Jela! kaj bude? kaj 'ztoga zide? jeli ga budem videla? O! moj Szlavlójube! koliko saloztneh hipov jeszi meni zadal! jeli budesh kada moguchi to z'ljubavjum tvojum meni nadomeztiti?

Jela.

Ja chu ga poizkati, i ako priliku najdem, mu prisheptnem, da k'tebi najdojde, da z'njim govoriti selish.

(hoche odbesati.)

Ljudmila.

Ne za volju Bosu! Jela! — ako me i malo rada imash, to ne vchini. Ako szerdce njegovo k'meni szi seli, ztanovito szam priliku izkal bude k'meni dojti. Al zakaj od toga zpominjamo sze, Bog zna, kde je Szlavaljub? i kud sze shetje?

Jela.

Dobro kad nechesh, mene kriviti naj, ja pripravna bila szem tebi szlusiti.

Ljudmila.

Hvalim ti za to. Vezda idem vu vert, — ni mojem punim perszam ovde zraka, pod biztrim nebom hochu chutenja moja naravi zruchiti.

Jela.

Hodi, hodi! razveszeli sze malko.
(odidu na razluchne ztrane.)

Prizor tretji.

Palacha v' Ztermogori.

Ztaniszlava, Szlavaljub, i Szvojko (dojda.)

Ztaniszlava.

Szamo nuter moji pobosni ljudi, k'nam vszakomu putniku szlobodno je dojti.

Szvojko.

Bog vam plati, dobra gozpa. Zter-
mogora vre od nekda je prebivalishtje
daresljivozti.

Ztaniszlava.

Dusnozt bogatejsih je, da ztranzke
doztojno primu, i njim podvore. — Ali
povedjte moji ljudi odkud zte?

Szvojko.

Ne dalko od ovud, 'z dersave kneza
Szlavoljuba.

(Szlavoljub nemirno na Ztaniszlava gleda.)

Ztaniszlava.

A to je nash szuszed, ne poznam ga,
kak chujem od tovarusha mojega, veliki
je nash nepriatelj, — i to szamo od nje-
ga chujem, ar morem rechi, da drugach
povedano mi je, da Szlavoljub je viteski
mladenec.

Szvojko.

Tuliko znam, da je nash dober goz-
pon, i da ga vszi ljubimo.

Ztaniszlava.

Odperto valujem, da bi se lela konec
ovoga jala, i nazloba videti.

Szlavoljub.

To je tulikajshe jedino Szlavoljuba seljenje.

Szvojko.

Ali vash tovarush, kak chuti je, njega jako odurjava?

Ztanislava.

Zaizto jako, niti ime njegvo ni szmeti napervo donezti, ar taki razljuti sze.

Szvojko.

Chudnovito, kak chlovek vu oztalom viteski, szerditozti tak nepravichni zvezema povdati sze more.

Ztanislava.

I ja to velim; visheput vre zkushala szem njega vkrotiti, ali do szada mi ni bilo moguche. — Zkorom szem zabila, moji ljudi, jezteni sedjni i lachni?

Szvojko.

Ako tu miloshtju imate, tak proszimo szamo za kupicu vina.

Ztanislava (zove chez vrata.)

Vina doneszete, za ove putnike. (dojde nazad) Budete oproztili, da polek navade moja kchi vasz podvorila ne bude, ar ni je gore, dole je vu vertu.

(Szlavoljub nemirno okolo gleda.)

Szvojko.

Nikaj zato, sal nam je zadnjih da nemamo szrechu gozpodichnu videti.

(szluga donesze vino.)

Ztaniszlava.

Chizto je razluchna, i komaj szebi zpodobna, zmirom salozti sze, i vezda na vertu szedi, i tuguje.

(Szlavoljub da genjenje szvoje zakrije, chashe natache.)

Szvojko.

Tak ni je szrechna? kvar, kada tak mlada ztvorenja naj lepshu dobu sivlenja szvojega veszelo vsivati ne moru.

Ztaniszlava.

Otec seli, da sze z' Zloborom zaruchi, ona pak njega ne ljubi, nego drugoga.

(Szlavoljuba obraz kase veszelje.)

Szvojko (vzeme kupicu.)

Za boljshu szrechu vashe gozpodichne!

(Szlavoljub vszeme chashu i zpije.)

Ztaniszlava.

Lepa hvala:

Szvojko.

Ne moramo zdvojiti, josh sze vsze na dobro obernuti more.

Ztaniszlava.

Nikakvo upanje nimam; josh ove dane seli moj tovarush.

Szlavoljub (naglo.)

Josh ove dane?

Ztaniszlava.

Tak je. Ali pijte moji ljudi, pijte. (Szvojko szi natochi, i zpije.) Vi nechete, kak vash pajdash? (Szlavoljub muchech nakloni sze, i zahvali.) Vam pobosnim ljudem znam, dopalo bude sze, nashu cirkvicu gledeti, lepa je, i vredna, da ju vidite.

Szvojko.

Ako tak dobri hochete biti, bude nam drago.

Szlavoljub.

Oproztite plemenita gozpa, ako z'vamishel ne budem; veliki priatelj szem ja cvetja, dopuztete, da vu vert iti szmem.

Ztaniszlava.

Kak je vasha volja. Tak idemo mi dva szami. (Ztaniszlava odide, za njim iduchi Szvojko Szlavoljubu prisheptne.) Szamo zpametno, da vasz Radbud ne vlovi. (odidu.)

Prizor četerti.

Vert vu Ztermogori.

(*Ljudmila* szedi i jednu cvetuchu rosu premish-ljava. *Kesznejshe* dojde *Szlavoljub*.)

Lepa rosa, kak veszelo cvetesh! kak lep pogled zavdajesh oku chlovechemu! kak vugodna je duha tvoja! mochno vle-chesh ljudi k'szebi! — I nut! kak hitro te oztavi, koj prenaglo tebe poprime! Nabode sze na tern tvoj, i ne gledech na lepotu tvoju hitro obraz od tebe odverne, i na te szerdi sze! — O! szrecha chlovechank! da tebe ljudi, kada tak lepo njim cvetesh, i vugodna tvoja duha nje ljubezno poziva, tak naglo poprijeli ne bi! — Ar na jedenput kada sze pri cilju biti miszte, na suhke terne neszreche i salozti ztrashno nabodu sze! — Moj Szlavoljube! jeli i z'nami neszrecha tak gorko bavila bude? kada jedenput meni priblishval budesh sze? od ovog' saloztnoga ztali-sha mene oszlobodil. (*Szlavoljub* dojde polahko, — zcashla sze, *Ljudmila* ogledne, i ztane sze preztrasheno.) Ah! kdo je to!

Szlavoljub (naprej dojduch.)

Nikaj sze mene plemenita gozpodich-na ne bojte. Zaizto 'z zlocheztoza zroka

szim doshel niszem. (hiti bradu i shkerlak.)
Ja szem Szlavoljub knez Oborgradzki, jedina selja vasz videti, i z'vami govoriti, szim me je dopeljala

Ljudmila (zmeshano.)

Oproztete vitesse! ja ne szmem z'vami ovde govoriti! — Moja mati i otec to ne dopuzte.

Szlavoljub.

• Ne zkerbite sze zato, vasha mati z'mojem pajdashem vu cirkvicu je odishla, vash otec pako ni je doma, anda prez ztraha govoriti moremo. — *Ljudmila!* ljubljena *Ljudmila!* ne znate vi, kakvo chutenje od dneva zadnje bojne igre v'meni zbudili jezte! Szamo vasz i zmirom vasz videl szem, nikak kip vash 'zmojega szerdca zbriszati niszem mogel! — V'szerdcu nemiren, k'vam szilil szem, da vam valujem, da vasz ljubim! neizmerno ljubim! — (klekne) O! govorete! kaj sze upati morem?! Od vasz viszi szrecha sivlenja mojega! —

Ljudmila (zdigne gaszramesljivo.)

Plemeniti vitesse ztanete sze! za ime Basse! moj otec — ah moj otec —

Szlavoljub (ztane sze.)

Ha! tak vszikde Radbud, on vszikde

v'put meni ztati mora, on mora biti zrok moje neszreche?! — Ne vzemite mi vendar upanje, vashu ljubav i kada zadobiti mochi! — Vi muchite? O! proszim vash govorete! — ali vre ljubite drugoga? — Zlobora? (Ljudmila turobno z'glavum ztresze) Ali miszlite da ja vash vkaniti hochem? Nad szvetim pepelom mojega otca, chez nevmerteljnozt dushe moje vam prisizsem, da chizta i szveta k'vam je ljubav moja; da —

Ljudmila (v'rech padnuch.)

O! ne preklinajte sze tak ztrashno proszim vash! (ruke zklopi i k'nebu gled.) Ti Bose, koj vidish i poznash szerdce moje, oprozti! ako volji otca mojega szuprotivno baratala budem! moram szledeti chutenje, koje meni zaszadil jeszi. (k'Szlavoljubu.) Ljubim vash vitesse! Za vash navek ovo szerdce bije!

(ogerle sze.)

Szlavoljub.

Ljudmila! moja Ljudmila! komaj moguch szem szrechu moju podnezti!

Ljudmila.

Vidish (na cherleni zobunec kazuch.) od kad tebe videla szem, ovo noszim, kajti

i ti moj Szlavoľjube onda cherlenu szvitu noszil jeszi. (Szvojko dojde i na pol tiho veli)
Za volju Bosu besete! knez Radbud ide.

Szlavoľjub (ne pazechi na to, odpre halju szvitu, i modru szvitu kase)

Ja pak modru szvitu od onog' vremen na noszim, kajti ti modru bóju noszila jeszi. (Pri Szlavoľjubu zadnjih recheh dojde Radbud, i poszlusha, potlam naprej ztupi, za njim szluga)

Prizor peti.

Radbud knez Ztermogorzki, Szlavoľjub knez Oborgradzki, Szvojko Radobojzki, Ljudmila, i szluga.

Radbud.

Tak zaizto lepo! Ljudmila z'muskimi glavami szama vu vertu? (szerdito.) Kaj to znamenuje? kdo szu ovi?!

Szlavoľjub (z'chaztjum.)

Ja szem Szlavoľjub knez Oborgradzki, z'vami govoriti bila je selja moja.

(szleche halju i v'kraj dane palicu.)

Radbud (shpotljivo.)

Razmem, razmem. (szluga vu ruho nekaj pove.) Odneszi sze malovredna divojka

zpred obraza otchinzkoga! plachu zasluženu zadobish. (z'rukum szerdito zamahne, i kase da naj odide. Ljudmila tirobno na Szlavoljuba gleda, i odide, z'njam szluga.)

Radbud (szerdito.)

Prevzetni vi mladenche! kak podztupilizte sze vu moj grad dojti?! znajte da vash 'z celoga szerdca odurjavam! (Szvojko medtemtoga halju szleche, shkerljak i palicu v'kraj dene, szebe na drevo naszloni, i mirno poszlusha.)

Szlavoljub,

Zaizto viteso vashe pozdravlenje bi me moralo preztrashiti, i od nakanenja vam proshnju moju napervoztaviti, odvernuti. Ali zato vendar vu velikoszerdchenozt vashu zaupam sze, Vi odurjavate mene? zakaj? — Bog zna! kajti szin jeszem pokojnega kneza Oborgradzkoga?

Radbud (naglo.)

K'chemu predgovor ov? Ne miszlim da zte doshli meni navuke razdeljivat'? Da chujem proshnju vashu.

Szlavoljub,

Izti ov predgovor k'moji proshni pelja. (proszech.) Viteso! pužtete jal vash pro-
ti meni, zpriateljite sze z'menim. Ako

miszlite, da vam otec moj krivo je vchnil, naplatete sze 'z mojega imetka, rad dam, kaj potrebuvali budete.

Radbud (shpotljivo.)

Zaizto?! kak zpametno zmiszljeno. Hochete mene 'z vashega imetka naplatiti? da potlam njega, kcher moju, i z'njum vsze moje zadobite? kaj ne? — Ljudmila je zrok vashega dohodka, znam.

Szlavoljub.

Nikdar niszem navaden bil z'lasjum po szvetu hoditi. Ne tajim, da Ljudmilu ljubim, ali pervo moje nakanenje je z'vam pomiriti sze, potlam zadoblenje Ljudmile naj bi priateljstvo nashe korunilo.

Radbud.

Vtishete selju vashu za mojim imetkom, 'z toga nikaj ne bude!

Szlavoljub.

Ne hlepim zaizto za vashim imetkom, ar z'vekshem, kak potrebujem, Bog mene imetkom nadelil je. Ni jednoga, zvan vasz nepriatelja nimam, vchinetę, da niti vasz ne budem imal.

Radbud.

Ne bantujte me z'vashum proshnjum duse.

(szerdito.) Vkanljivec jezte, nevredni da mech viteza noszite.

Szlavoljub (josh mirno)

Plemeniti knese! ako priateljstvo moja prijeti nechete, ne szvetujem, da vashega nepriatelja me vchinite.

Radbud.

Nepriatelja? — (szmeje sze.) Kak da vekshi bi mogli biti? Od koga tuliki kvar meni dela sze? od vasz. — Vezda doshlo je vreme, vezda naplatil budem vsze, vu mojih zte vezda rukah!

Szlavoljub.

Kak to razmete? ne miszlim, da odhodek 'z vashega grada meni prechili budete?

Radbud.

To morem, i budem vchinil. Drugomu jamu kopajuchi szam opal szu vu nju.

Szlavoljub.

Da vi z'menum tak baratati bi mogli, niszem szumljl. (ognjeno.) Ali van vasz pozivam vitesse na szud Bosi! onde mech naj dokoncha, kdo ima pravicu.

(szleche rukavicu, i njemu hiti.)

Radbud (z'nogum rukavicu porinech.)

Szam budem szudil, nikaj od dvojharca! pre mladi zte vi za to, vuchete sze predi mech voditi; — i onak, szmert od moje ruke za vasz preodichena bi bila.

Szlavoljub.

Vojuval szem ja! vnogomu krivovercu glavu razkolil, zasztava krisa letala je vu moji ruki na zidinah Jeruzalema, vnogiput vu vruchem harcu tekla je kerv moja! — Zato ne ztarajte sze za me, vszikdar imam djedjernozt pred szud Bosi z'vami iti!

Radbud.

Budesh ishel dechak! ali vu vuzu, kde meni vishe neprilichen ne budesh! Otec tvoj prejak bil je za me, ti nisz, terpi za njega.

Szlavoljub.

Zkushajte szamo mene zadersati; budete videli, da niszem menje jak od otca mojega.

Radbud.

Dozta hvalenja tvojega, vre mezto za te priztojno pripravlja sze.

Szlavoljub.

Ako tak je, tak pomози, kaj pomochi

more; vsze kaj moguche bilo je, zkushal szem. Niti Ljudmila bi mladenca, koje-mu poshtenje je vzeto, ljubila! — (zpukne mech.) Szam put szii napravil budem!

Szvojko (tulikajshe mech zpukne.)

Vezda ztarchel! zkupchi jakozt tvoju, poztani mladenec, szloboshtjina Szlavoljuba je vu pogibelji.

Radbud (zpukne mech.)

Tak hochesh!? zaizto zadnji szat ti je zbil! (vojuju. Szvojko hoche Szlavoljubu na pomoch iti, Szlavoljub mu krichi:) Ne dva na jednoga! puzti Szvojko! (vojuju dalje. Dogodi sze Szlavoljubu Radbuda mech z ruke zbiti, zatem za persza ga prime, chverzto ga der-si, i Szojku veli:) Szvitu tvoju daj, hitro! (Dá mu szvitu, z'kojum Radbudu ruke zvesu i njega potlam k'jednomu drevu privesu.)

Radbud (razlutjen.)

Josh vendar vuji ne moresh, vu ruke dojdesh haharom *) tvojem!

Szlavoljub.

Za to budem ja zkerbel (vzeme mu per-zen.) Ovo kakti znamenje nashega pomi-renja njim kazal budem, i szegurno me puzte. (odidu.)

*) Senter.

Prizor shezti.

Szoba vu Ztermogori:

*Zlobor Magjarevich; i Lomovrat (dojdu.)**Zlobor.*

Tak zapoved zte dobili za njega vuzu prirediti? i njega vu nju zapreti.

Lomovrat.

Jeszem:

Zlobor.

Jezteli vre vchinili? jeli je zapert?

Lomovrat.

Ni je. Niti kak mi sze vidi ne bude. Dozta vremena dal szem mu, mogel je lahko oditi, navlash mudim po njega, kak mi je zapovedano z'szlugmi iti. Naj ide, bolje je za nasz, ako ovdi vu vuzi zapert ne bude. — Vezda ako Szlavoljub vujde, Radbud ne bude zamudil njega i vu Oborgradu poizkati, onda szi pak lahko priliku najdemo.

Zlobor.

Né budeli knez Radbud kaj szumljil, ako vezda zamudite Szlavoljuba prijeti?

Lomovrat.

Preveliku ima zaupanost v me; le-
ko mi bude za moje zprichanje kaj najti.

Zlobor.

Vezda idem k'Radbudu, na Szlavlju-
ba ga budem malko dutil. Zutra ako
Bog da, vnogo pripetiti sze mora.

Lomovrat.

Ja idem Szlavljuba, kojega, znam,
da ovde ni, lovit.

Zlobor.

Puztili zte ga szada, da potlam chver-
ztejshe ga dersati budemo mogli. — Bog
z'vami. (odide.)

Lomovrat.

I vsikdar z'vami. (ide za njim.)

Prizor sedmi.

L o z a.

*Szvojko Radobojzki, Szlavljub knez Obor-
gradzki, szluga, kesznjeshe Jela.*

Szvojko.

Hvala Bogu! da nismo vishe med one-
mi zidinami. Mahom szlobodnejshe dishem.

Szlavoljub (dojde turobno, za njim szluga z' shishakmi i kepenjki.)

Ah Ljudmila! moja nepozabljiva Ljudmila! — kak blizo shtimal szem sze tebi biti! i nut! kak nemiloztivno tverda ruka odluchenja mene od tebe razdrusila je! O tusni ja, i pomiluvanja vredni! kaj bude 'z mene? z'otcem moje Ljudmile tak baratati moral szem! —

Szvojko.

Vzememo nashe shishake i kepenjke, surimo sze ovo mezto oztaviti, ni nam zdravo ovde dugo biti. —

(vzemu i pokriju sze.)

Szlavoljub.

Kaj szudish Szvojko? jeli drugach baratati mogel szem?

Szvojko.

Zaizto nizte. Dersanje vashe chizto vrednozti szerdca zpodobno bilo jez. Poterpete, josh vsze zevszema zgubljenost ni je.

Jela (doderchi.)

Jeli ovde morem najti, kneza Szlavoljuba?

Szlavoljub.

Pred tobom ztoji, moje dete. Kaj hochesh?

Jela.

Ljudmila gozpodichna moja da vasz lepo pozdraviti, i vam poruchiti, da vu vuzu je zaperta, ako njoj piszati budete hoteli, lizt meni predajte.

Szlavoljub.

Vu vuzi? o! tusna! a ja szlobodem? Ljudmila vu vuzi?! (ruke ztesuch.) Tak na onog' nekrivnoga Angela szvoju pervu szerditozt je zlejal! Szvojko pomози bol moju nosziti, ar zaizto pod terhom njeinom poginem! — Nazad moram! nju o-szloboditi, ali vumreti! o! kak szlatka bi meni szmert bila, da vu njeinom branjenju nju zadobiti morem!

Jela.

Proszim vasz, ako i malo gozpodichnu ljubite, tak ovde dugo najte shtentati sze, szam knez Radbud za vami nakanil je iti. Denesz pred vecherom dojdite szim, ja vasz chakala budem, onda mi lizt predajte. Po mojem golubu, koj to dugovanje viteski razme, Ljudmili ga poshlem.

Szlavoljub.

Hvalim ti lepo dete, vszikak dojdem.

Jela.

Zdravi budite,

(odide.)

Szvojko.

Vezda hodete! za ime Bose, premiszlete, da vasz Radbud ovde najde?

Szlavoljub.

Prav imash! idemo. Blagoszlov tebi mezto, koje vsze, kaj meni drago je, vu szebi zadersavash! Bog daj, da te zkorom, i vu boljshi szrechi vidim!

(odidu na deszno.)

Zaztor opadne.

Zpeljavanje tretjo.

Prizor prvi.

L o z a.

Szlavoljub knez *Oborgradzki*, i *Jela* (dojdu)
(vre poztaje tmichno.)

Szlavoljub.

Moje dete oprozti, dugo szí móríla
chakati, to imash, (da lizt.)

Jela.

Nikaj zato, dobro zte doshli.
(vzeme lizt, i zkrije ga.)

Szlavoljub.

Vidim nekoga iti; vmekni sze, da te
ne zpazi.

Jela.

Ne bojte sze. Ako drugiput kaj bu-
dete imali, szamo meni zruchete!
(odbesi.)

*Prizor drugi.**Zlobor Magjarevich (dojde.) Szlavoljub.**Zlobor.*

Dragi brate! kak veszelim sze tebe jednput najti; kud hodish?

Szlavoljub.

Zdravo moj Zlobore!

Zlobor.

Kaj te ovde tak keszno dersi?

Szlavoljub.

Imal szem oszebujne poszle, moresh szim miszliti, kaj me szim vleche.

Zlobor.

A znam, znam, vezda tesko kaj zvershish; dohodek v' njeinu vuzu szamo szebi Radbud zadersashe. Chul szem, da sziga dobro zklopal; viteski szim ti junak, miszlil szem, da tak bude.

Szlavoljub.

Moral szem, rajshi kak szebe zapreti dati. Ali kaj vezda, daj tolnach.

Zlobor.

Toga ti dati ne morem, niti ne znam, nego mech moj, i vszu moju jakozt tebi

aldujem, tebi pomagat budem, dok di-
shem.

Szlavoljub.

Hvalim ti, znam, da mi iztinzki do-
bro selish.

Zlobor.

Iz celoga szerdca. Pazi sze Szlavolju-
be, Radbud pripravla sze, var *) tvoj ob-
koliti; zato pashtji sze, da pređi nek on
v' tvojem varu budesh.

Szlavoljub.

Dobro da znam, szegurno doztojno
prijel ga bum.

Zlobor.

Na moju pomoč raejunaj. Zaižo
vreden je taj okorni i nevljudni chlovek,
da mu kerzno ztepemo.

Szlavoljub.

Moresz z' menum iti, ako hochesh;
selim mu pokazati, da niszem tak szlab,
kak szu miszli; hodi.

Zlobor.

Vezda mahom z' tobum iti ne morem.
Nazochje moje ovde vu varu tebi vishe
haszniti more, kak da z' tobum idem. Mo-

*) Beste. Rech prava szlavzka ne magjarszka.

rebiti priliku bum imal k' Ljudmili dojtí,
kneza morebiti z' chem zabaviti, da te ne
zaztigne, ali drugo kaj, chlovek ne zna.

Szlavoljub.

Tak oztani. Vchini kaj moresh, vszik-
dar mene zahvalnoga nashel budesh.

(*rukujú sze Szlavoljub odide na levo.*)

Prizor tretji.

Zlobor szam (za njim gledech.)

Hodi! hodi! ne miszlim da zahvalnozt
tvoja prevelika bude. Szamo chakaj dok
ti sze ochi odpru — ha! kak onda v' obla-
danju mojem budem sze raduval. Kad
oholne ove dva viteze pogazim — njihov
prepad naj bude izhod szreche moje. Sza-
mo josh vezda himbenozt hudi mi na po-
moch! — Zutra ako Bog hoche neprilich-
nu tvoju zpravu hititi, i mene vu moji
iztinitozti kazati budem mogel. (gledi na
deszno) Ide Radbud, i to mu naj bude
zadnji hod, kojega v' szvojem sivlenju
hodi.

Prizor cheterti.

Radbud knez Ztermogorzki, i kup vojakov (dojdu.) Zlobor Magjarevich.

(Pod ovim prizorom tmichnejshe postaje, tak da na koncu vre chizto tmica je.)

Radbud.

Kaj vasz ovde dersi? miszlil szem, da vi vojake vashe zkupite, i meni na pomoch shetujete, medtemtoga kak vidim, ovde mangujete.

Zlobor.

Plemeniti knez moji vojaki za vashu szlusbu pripravni, vasz vre chakaju, i to na krisanju vu lozi blizo Oborgrada. Da ja z' vami ishel ne budem, najte mi zameriti, pokedob jedino vam za volju Szlavoljubu priateljja zkazal szem sze, zato ne bi sze priztojilo, da proti njemu vojujem.

Radbud.

Niti to od vasz ne potrebujem, na zkorom ne bude treba vam pred njim sze zatajiti. Moje nakanenje je, vezda k' njemu iti.

Zlobor.

Ali ne vu opravi putnichki v' grad zavlechi sze, kak on k' vam.

Radbud.

Z' mechem v' ruki budem putuval, kak navada vszakog' poshtenoga viteza je! Ztrashnu szvetju ovu noch nasgal mu budem, cela okolica naj zna, da Radbud je, koj nad nepriateljom szvojem fanti sze; cherenilo sze naj bude nebo, i vsze budi sertva plamna, szamo podertine njegovoga grada zorja zutrashna pozdraviti mora!

Zlobor.

Daj vam Bog moguchnozť vashe nakanenje zpuniti. Nikaj szlajshe ni je, kak vtishenje oszvete.*) Surite sze iti, josh na putu njega morebiti vloviti morete, ni je duse kak pol szata, kaj od ovud je odishel.

Radbud (naglo.)

Kojem putom je ishel? mahom idem za njim.

Zlobor (kase.)

Ovud je odishel, ja vam szvetujem, da vashe vojake ceztum iti pushtjate, vi pako ovum ztezum blisnejšem putom iti morete. Vashi vojaki naj vasz na krisanju chakaju, onde sze njim pridrusiti morete.

Radbud (k' vojakom.)

Kak je recheno. (vojaki odidu.)

*) Dte Kache.

Vi metemtoga moj verni Zlobore, naj-
te chizto na moju tovarushicu, i vashu
zaruchnicu zabiti. Ztari moj Lomovrat
szlab je, da bi sze kaj pripetilo, grad
niti braniti ne bi mogel. — Zdravi budite.
(odide na levo.)

Zlobor.

Pazi da ovu noch pre chverzto ne za-
zpish. — (odide na desno.)

Prizor peti.

Loza, na okolo szu pechine. Je noch.

Szlavoljub knez Oborgradzki (dojde polahko
od deszne ztrani, vzeme dole shishak, i pot
szi brishe.)

Hvala Bogu! da szem v' moji dersavi,
ali jeszemli i vu njoj szloboden? jeli du-
go ovde szmem szê mutiti? Naj bude. —
Narava szvoje potrebuje, njoj chlovek
dusen oztati nemore. Prevech preterpel
szem denesz, (shishak natla dene, i na kamen
szi szedne) vishe ne morem! Dusha i telo
je zmucheno! Teshko szerditozt Bosa na
meni lesi! — O! da merzlo kak ova pe-
china bi moglo bti szerdce moje! ne-
szrechu vu celi szvoji jakozti chutil ne bi.
Kak z' vekshinum razluchen je izhodek

osnov chlovechanzkikh od miszli njihove, zakaj ja to tak suhko zkushati moral szem? Ljudmila! kak ztrashno je to za ljubeche szerdce znati, da predmet szvoje ljubavi nikdar zadobiti ne more. — Boril sze budem, dok poginem, sivlenje i onak nikakvu szlazt za me nima! (chuje sze svenk mehev zatem rech Radbuda „Puztete me malovrednjaki, ja szem Radbud knez Ztermogorzki.“) „Kaj je to? Radbud? za pomoeh krichi!? — (veszelo zkochi i pokrije sze.) Vezda! vezda, naj lepshi szat mojega sivlenja naztal je. Otca moje Ljudmile oszloboditi morem, (zpukne mech.) hitro na njegvu pomoeh! (odide.)

Prizor shezti.

(za mali chasz.)

Radbud knez *Ztermogorzki*, i *Szlavojub*
(obodva z' golemi mechi dojdou.)

Radbud.

Vredni muse kdo zte vi? vam zahvalim
sivlenje moje.

Szalvoljub.

Po rechi mene lehko zpoznali budete.

Radbud (chudech sze.)

Na moju dushu! rech *Szlavoljuba.*

Szlavoljub.

Taj jeszem.

Radbud.

Tak i pak vu vashi szem oblazti? kak neposhteno mene vlovili jezte.

Szlavoljub.

To ni nakanenje moje bilo. Bog chez szvoje nepreszesne pute nasz zkup dopelal je. Imal szem szrechu vashe sivlenje o-szloboditi, to do zadnje kaple kervi branil budem.

Radbud.

Chudnovito. Z' vami je Bog i njegov blagoszlov. Ja odpravil szem sze na porushenje vashega grada, vojake moje drugim putom pozlal szem, szam blisnejshega szebi zebrajuch, kada najedenput od chetireh momcev popadjen bil szem. Da vasz ne bi bilo, szegurno vishe sivel ne bi.

Szlavoljub.

Zato vu vashem nakanenju vasz ne prechim. Idem, vu Oborgradu vasz dochakal budem; ali, da vam menje nepri-like vchinim, ako tak veliku selju za memom imate, ovde szem, vash szem vuznik, (ponudi mu mech.) pelajte me, kam hochete.

Radbud (hiti mech i razpre naruchaj.)

Pužite ovakovo govorenje, vi zte mladenc zlatoga szerdca, objemi me, priatelj budesh moj! vsze naj bude pozabljeno.

Szlavoljub (hiti mech veszelo.)

Jeli moguche? Ah Bose! kak szrechen szem ja. (ogerle sze.)

Radbud (zvine sze, obodva zdignu meche, i v' nosnice nje poztave.)

O! kak malo poznal szem dobrotu vashenga szerdca. Jeli mi morete opróztiti?

Szlavoljub.

Nikaj od toga. Veszeliti sze hochu! szvet bude ov dan meni, v' kojem knez Radbud moj priatelj poztal je.

Radbud.

Vezda nimamo vremena ovde duse razgovarjati sze, boljshe je po nochi pod krovom biti, zato zdravi oztanete. — Zutra v' Ztermogori dan nashega priateljstva doztojno obszlusavali budemo.

Szlavoljub.

Ne tak moj knez! Blise jeszmo k' mojemu kak k' vashemu domu, zato priateljno ztupete v' grad moj, kojega malo prede josh vojujuch zadobiti jezte seleli; najte ovu pervu proshnju mi zkratiti.

Radbud:

Hochem vam i to vchiniti, idemo, pelajte, bolje pute poznate.

Szlavoljub.

Szamo jednako ovum ztezum, za četvert szata jeszmo doma. (odidu na levo.)

Prizor szedmi.

Szoba vu Oborgradu.

Boromir Orusinzki i Szvojko Radobojzki (dojdu.)

Szvojko.

Veliko zlo, kak znate, szé je dogodilo. Vezda na pomirenje vishe niti ni misziliti.

Boromir.

Sziromashki Szlavoljube! kak szozten bude, milo mi ga je zaizto.

Szvojko.

Chizto je zvan szebe. Ako Bog kakvo chudo ne vchini, tak szegurno nashega Szlavoljuba dugo ne bude, vre chizto gine.

Boromir.

Ja miszlim, da pri ovom dugovanju Zlobor vnogo je kriv; nikak on chlovek mi k' licu nejde.

Szvojko.

Bog je szudec. Ja ne znam, kaj bi od njega miszlil — vszakomu sze priatelja kase, shtimam, da nijednomu pravi ni je.

Boromir.

Ali kde je Szlavaljub tak dugo? Kaj sze shtenta? keszna je vre noch.

Szvojko.

Vre bi mogel dojt, szunce bash v'zahadjanju;beshe, kada je odishel.

Boromir.

Ne bi seel, da bi mu sze kaj nepri-lichnoga pripetilo.

Szvojko.

Vidite moj Boromire! kak malo dobra ima chlovek v' ovom kratkom sivlenju.

Boromir.

Za vszaku szrechnu vuru, koju vsivamo, zto neszrečnih preterpimo.

Szvojko.

Tak, da ako szrechne i neszrechne zpodobite, one mahom pred vnositum oveh zniknu.

Boromir.

Saloztna iztina. — Ali kaj hochemo?

Szvojko.

Terpeti. On chlovek szrechno sivetimore, koj navchil sze je, dobro i zlo z' jednakim szerdcem podnashati.

Boromir.

Ah salozt! da takovih kruto malo je.

Szvojko.

Zaizto malo. Moj Szlavoljub je mladenec drugach pameten, i miren; ali vezda, salozt na tuliko predobila ga je, da razumu pri njem niti mezta ni.

Boromir.

Neszrechne sene. Jeli zte vredne, da tak oszebujni mladenec za vasz terpi? — Ovomu zlu, hvala Bogu, do szada, niti kak npam sze, od szada podversen ne budem.

Szvojko.

Szrechna ljubav je najvugodnejshe dugovanje. Zaizto ako ljubili nizte; tak veszelje iztinzko ovog' sivlenja ne poznate.

Boromir (szmeje sze.)

Dajte mi mir, proszim vasz, nikaj od toga.

Szvojko.

Meni je vsze jedno, (chuje sze vani kora-
cati.) vezda ide nash Szlavoljub.
(idu proti vratam.)

Prizor oszmi.

Radbud knez *Ztermogorzki* i *Szlavoljub* knez
Oborgradzki (dojdu.) *Pervejshi.* (*Szvojko* i
Boromir chude sze videchi *Radbuda.*)

Radbud.

Budite pozdravljeni vitezi. Jeli sze
chudite? da mene ovde vidite.

Szlavoljub.

Proszim vasz moj knez zkinete dole
shishak, i vchinete, kak da zte doma;
(z' Szvojkom i Boromiram rukuje sze.) zdravo!
verni priatelji, chudnovita dugovanja od-
kad sze videli niszmo, dogodila se jeszu!

Szvojko.

Kak vidim, vam chizto povoljna.

Boromir.

Veszelim sze 'z szerdca!

Radbud.

Bog hotel! je, da sze zpriateljimo. Ne-
go josh niti pital niszem, kaj vasz ob
oni dobi, vu onu okolicu zaneszlo je?

Szlavoljub.

Vam odperto povem. Litz jeden noszil szem na kcher vashu; vu povratku od vnogoga hoda truden, nakanil szem pochinuti sze.

Radbud.

Litz? na Ljudmilu? onoga zaizto nikdar v' ruke ne dobi.

Szlavoljub.

Zaizto dobi. Kchi vashega kluchara ima goluba, on je nash liztonosz.

Radbud.

Ako izte neme ztvare, tvoju ljubav k' njoj pomasu, tak nam tesko sze bude szuprotztaviti.

Szlavoljub.

Niti ne miszlim, da sze vishe szuprotztavili budete?

Radbud.

A Zlobor Magjarevich? — kaj on k'tomu veli? njemu szem dete moje obechal.

Szlavoljub.

Izbila Szvojko? kaj Zlobor josh ni ovdi bil? obechal je, da dojde.

Szvojko.

Z' nijednim okom ga videl niszem.

Radbud.

Kaj Zlobor ovde? kak bi to mogu-
che bilo?

Szlavoljub.

Denez pred vecherom pri vashem gra-
du z' njim govoril szem, onde meni po-
moch proti vam obechal je.

Radbud.

Zmeshano dugovanje. I meni je po-
moch proti vam dal, kak sze to szlase?

Boromir.

Vu' celom, znachaj *) Zlobora nikak
mi sze ne dopada.

Szvojko.

Kak videti je, niti jednomu niti dru-
gomu dobro ne seli.

Szlavoljub.

I ja tak szudim; oyomu dugovanju na
konec doйти moramo. Shkoda, da jedno-
ga zmed onih magarcev, koji vasz v' lozi
popali jeszu, niszmo vlovili, da bi sze bi-
lo zeznalo, chiji szu.

Radbud.

Kvar zaizto, ali tak pozkakali szu, da
njim nikde traga ni bilo mochi najti.

*) Charakter.

Szlavoljub.

Zmiszlite sze moj poshtuvani priatelj!
da Ljudmila je vu vuzi. Zrok njeine kashtige neztal je, naj i kashtiga neztane.

Radbud.

Kak more to biti? Do zutra naj sze josh poterpi.

Szlavoljub.

Ne budem ja mira imal dok znam, da nedusna terpi, najmre ja, koj zrok njeinog' terplenja jeszem, Dopuztete — mahom szlugu posheljem, i predi kak zorja bude, mora vre szlobodna biti. Dopuztete! i da nju moju imenuvati szmem! — dopuztete!

Radbud.

Naj bude, i to vam vchinil budem.

Szlavoljub.

O! hvala! ztoput hvala! (oderchi.)

Szvojko.

Ljubav njega chizto dechinzkoga je vchinila. Radujem sze zaizto 'z celoga szerdca plemeniti knez! da ovo dugovanje tak obernulo sze je.

Radbud.

I ja zevszema zadovoljen jeszem, hva-

lim Boga, da pamet moju razszvetil, i mene od tak zpachnoga sivlenja oszlobodil je.

Boromir.

Zaizto nikaj zpachnejshega, kak vekivechen boj z' szuszedom ne poznam.

Szlavoljub (dojde.)

Anda! vezda je vsze gotovo.

Boromir.

Ako szii i naj hitrejshega konja szlugi tvojemu dal, denesz vendar premudno bude ishel.

Prizor deveti.

Szluga i Pervejshu.

Szluga (k' Szlavoljubu.)

Plemeniti knez! jeden kup oklopnikov je pred vrati grada.

Szlavoljub.

Chiji szu? kaj hocheju?

Szluga.

Vele, da szu kneza Ztermogorzkoga.

Radbud.

To szu znam moji, koje za porushenje grada vashega z' menum vzel jeszem.

Szlavoljub.

Kaj potrebuju?

Szluga.

On, koj rech med njimi vodi, veli, da kneza Radbuda dobrovoljno van puztete, ar drugach na grad z' orusjem navalili budu.

Radbud.

Povedj njim, da za vezda toga treba ni, i da sze doma naj odnashaju.

Szlavoljub.

Ne tak — nego odpri vrata, puzti je nuter, nakermi, i napoji je vsze, naj zapamete dneva, v' kojim njihov gozpon z' menum pomiril sze je.

Szluga.

Na szlusbu,

(odide.)

Radbud.

Naj bude ova noch njim, zutrashnji pako dan nam za veszelje odluchen.

(chuje sze glas z trubelj.)

Boromir.

Chujte! vre idu vu priztroshek. *)

*) Wörhof.

Radbud.

Hodmo, i mi! da je z' nashum nazoch-
noztjum razveszelimo.

Szlavoljub.

Idemo! verni szluga vszikdar veszelej-
shi je, kada zna, da i gozpon njegov ra-
duje sze.

(odidu vszi.)

Zaztor opadne,

Zpeljavanje cheterto.

Prizor prvi.

Vuza vu Ztermogori.

(Na ztrani vidi sze oblohec, na kojega *Ljudmila* visheput ogledne sze. *Zlobor Magjarevich.*)

Zlobor.

Vezda znajte! viteski Szlavoljub ovu noch vashega otca je vmoril; oszebujno zaizto ztvorenje zte sziz zebrale onog' malovrednoga ljudomorca! koj szramota je vszeh vitezev ove okolice.

Ljudmila (turobno.)

Ah! ne verujem! ne verujem ja to! predi sze techaj narave preobernuti, kak on to vchiniti, more.

Zlobor (naglo.)

Ne selim, da miszlite, da sze norujem, ar niti vremena, niti volju to vchi-

niti imam! Zato ako vam poshtenje vašeg' otca pokojnoga drago je, zpunete volju njegovu zadnju, — szledete mene k'oltaru, po tom i doztrojnejshu priliku dobim Radbuda szmert fantiti.

Ljudmila.

Zmosni Bose! nakaj doshla szem; puztete me predi k'materi, onda —

Zlobor.

Komaj je szvenulo, i mati vasha josh zpi; kak zakonzki ljudi hochemo zbudechu sze pozdraviti. Vchinete mi to veszelje, hodte — kratko je vreme! —

Ljudmila (szerdechno.)

Tak znajte! da sze rajshe szmerti v'shake, kak vam v'ramena zruchiti hochu! Szlavoljuba mojega, dok dusha v'meni je, ljubila budem! ni jedna moch zemeljzka od ovog' nakanenja mene odvernuti ne more!

Zlobor (shpotljivo.)

Prazno govorenje. — Budemo videli tu nepreobladavljivu divojku. (szerdito.) K'oltaru velim! ali ja vasz pelal budem! — Vu moji jeszi vezda oblazti, i vszi pekli mojem rukam te ne ztergnu!

Ljudmila (na oblohec gledéch.)

Ah! od nikud pomoch. Zadnje josh kaj imam, naj mi pomore. (zpuke 'z pod opravam bodesh) *) Ovo vidish! szlah muse! szmejem sze i poteptavam moch tvoju! kak korachaj k' meni vchinish, z' ovem bodeshom szivlenje dokoncham.

Zlobor (hoche bodesh vzeti.)

Proch z' ovum igratjum.

Ljudmila (v' onom hipu ogledne sze na oblohec, tam hesi, bodesh natla puzti i jeden lizt vzeme, — veszelo.)

Ha! moj golub! — moj Szlavoljube! (hoche lizt zkriti, Zlobor medtemtoga bodesh vzel je, i vezda k' njoj zkochi.)

Zlobor.

Kaj je to? lizt? — szim z' njim! (vzeme ga z' szilum, odpre, i chteje:) „Ljublena Ljudmila! — Po volji Bosanzki dogodilo mi sze je, ovu noch szivlenje tvoje-ga otca obchuvati, kaj konec nashemu nepriateljstvu vchinilo je. Zutra kak zorja bude, vu tvoja hitel **) budem ramena. Onda bodesh moja za navek! Duh na-

*) Dolg;

**) eilen.

she ljubavi budi z' tobom. — Tvoj verni Szlavaljub.“ — Prokleta! — mochi tmice kaj oztavile zte mene? (hiti cedulju szerdito) Vezda k' oltaru velim! zadnje je vreme! ar na moju dushu ztrashno z' tobom bavit budem!

Ljudmila.

Zakaj dohodek mojega otoa dochakati nechete? ako on szuprotiven ni, onda mirno idem z' vami.

Prizor drugi.

Lomovrat (chizto pretrasheno van doderchi)

Za volju Bosu! vre idu! — vre szu chizto blizu — ovde, — taki v' grad dojdu!

Zlobor.

Kdo? — Radbud? — Szlavaljub? —

Lomovrat.

Je, je, i cela cheta oklopnikov i vitezev z' njimi!

Zlobor.

Nikaj muditi nimamo. Zapreti daj ztarche vrata! naj sze priprave vojaki, koji szu ovde, sivi grad ne predamo!

Lomovrat.

Bose! kak sze bude to dokonchalo.

(odide.)

Zlobor (oshtro.)

Jeli sze budesh genula jedenput? pre-
di nego bude moguche njim tebe oszlobo-
diti, vsze muke, koje szerditozt chloveka
zmisliti more, tebi chutiti budem dal!
(chuje sze larma i shtropot orusja.) Odnashaj
sze! vre szerditozt moja medje nima!

(nemiloztkvno nju prime, i vleche.)

Ljudmila (na kolena opadne, ruke zklopi, i
proti nebu gleda.)

O! ti vsza moguchi Bose! — ti brani-
telj nekrivnozt, ne oztavi niti mene vu
ovi suhki vuri, ne daj mene aldov biti o-
vomu kervolochnomu chloveku!

(buka ide vsze blise.)

Zlobor.

Dozta pobosnozt! — Bog chuda chi-
nil ne bude! (prime nju i dalje vleche, v'o-
nom hipu dojde Szlavoljub z' golim mechem,
Zlobor Ljudmilu na ztran porine, koja omeg-
ljena na klup opadne.)

Prizor tretji.

Szlavoljub knez Oborgradzki, Zlobor Magjarevich, Ljudmila.

Szlavoljub.

Ha! vkanjljivec malovredni! kashtigi ne vujdesh!

Zlobor.

Tebe v' pekel poszlati jedina josh je selja moja! (vojuja. Szlavoljub rani Zlobora, koj opadne i zkríkne.) Suhko je pred zadobljenim cilom vumreti. (vija sze.) Vragi — veszelite sze — pajdash — vash ide — ztari Lomovrat — on i ja — (komaj razumljivo.) mi szmo — krivci,

(gorko zdehne, i vumre.)

Szlavoljub (hiti meč, k' Ljudmili zkochi, i pelek nje klekne.)

O! Angel Bosi! ako ti ne sivesh, onda zidine pnrushite sze i zakopajte mene! — duse sivetí nechú! (prime ju za ruku. Veszelo.) topla je — szopi sive! sive!

Prizor cheterti.

Radbud, Boromir, Lomovrat, Szvojko i Oklopniki (dojdu.)

Radbud.

Kde je dete moje? jeli sive? kde je Zlobor?

Szlavoljub (ztane sze, na Ljudmílu pervich, onda na Zlobora kase. — Zdigne mech, i na- njega gledech veli.)

Pil szi kerv njegovu, sedja tvoja je vtishena.

Radbud.

Malovrednjaka, ruka Bosanzka doztigla je. Ali Ljudmila moja, jeli sive?

Szlavoljub.

Sive! sive! nego hitro pomoeh prizkerbete ar drugach bude keszno!

Radbud (k' oklopnikom.)

Tovarushicu moju dozovete!

(jeden med njimi odide.)

Szlavoljub (k' Ljudmili ztupi, gledi jeli josh sive, i Szvojko tam dojdechi tiho z' Szlavoljubom zpomina sze.)

Boromir (k' Radbudu.)

Zmosnozt Bosanzku zadozta prechuditi ne moremo, da ova dugovanja, koja tak ztrashen konec bi bila imala, szrechno zpelal je.

Radbud.

Zaizto njegovomu szamo za nasz zkoznujuchemu oku to zahvaliti imamo.

Prizor cheterti.

Ztanislava (dojde.) Pervejshi.

Ztanislava (chizto preztrashena dobesi.)

Ljudmila moja! ljubleno dete! — kde
szi? jeli sivesh? (k'njoj ide, nju brishe, i
'z omiljavice zbuditi terszi szo. Medtemtoga
Szlavoljub vre na Ljudmilu, vre na Radbuda i
Lomovrata pazi.)

Radbud.

Sive, moja Ztanislava, i to jedino
Szlavoljubu zahvaliti moresh. (k'Lomovratu)
Szada ti ztarche valuj! kak obechal szi,
dobrovoljno!

Lomovrat (z' krushenim szerdcem.)

Hochem! hochem! vsze iztinzki pove-
ti. O! ztvoritel szveta! kak miloztiven
jeszi! dopuztil szi meni v' zlochinih mojih
oszedeti! puztil zemlju tzoju lepu gaziti!
da pokoru bi vchinil — odperle szu sze
ochi moje, vidim moje cherno szerdce, i
hmanjochu sivlenja mojega, koje nikaj,
kak chizlo grehov je. — Chujte anda:
Zlobora volja bila je, jal med vami, i
Szlavoljubom josh bolje vusgati — vashu
kcher jedino 'z pohlepnozti je hotel; od
njega szu bili szlugi v' lozu poszlani, da
vasz zkonchaju — krivnju pako vashega

pomora na Szlavoľjuba porinuti nakanishe. I ja! (ruke ztezuch saloztno.) ja! ne szam^o da to vsze znal szem; nego josh z' mojim tolnachem mu pomagat szem! — Konec znate, hvala Bogu, da osznovam nashem ni. je zpodoben. Dajte i meni szmert, zaizto zaszlusil szem ju.

Radbud (tiho pred sze gledi, onda na Ljudmilu gledech zpazi truplo Zlobora.)

Odnieszete truplo ovoga chloveka, njegov pogled habi veszelje nashe!

(Ljudmila k' szebi dojde, szedne sze, i zbochki *) na Szlavoľjuba gledi.)

Ztaniszlava.

Ljudmila! ah zbudi sze! — kak, jako sziz me preztrashila!

Ljudmila (na pol tiho.)

Kde je? — on ztrashni chlovek? — (na Szlavoľjuba gledi, njemu ruku da) Moj Szlavoľjube! ti ovde? a moj otec? — je-li je mertev? — (Szlavoľjub klekne, ruku prime i kushne, za mal chasz ztane sze.)

Ztaniszlava.

Zpomeni sze moje dete, ovde je tvoji otec!

*) staar.

Radbud.

Drago dete! nikaj višhe sze bojati ni-mash, oszlobodjena jeszi:

Ljudmila (ztane sze, i k' otcu ide.)

Jeli mi budete oproztili moj otec, tie pokornozt moju?

Radbud.

Nikaj od toga moja kchi, vszakomu nazlobu konec je — szamo veszelju ov-de je miezto.

Szlavoljub (k'Szvojku.)

Szvojko! naj lepshi mojih gradov je tvoj — osznova tvoja je k' koncu dopelana.

Szvojko.

Jeli koj vashih gradov tuliko vreden? kak veszelje, koje ov szat meni zavdaje.

Szlavoljub (rukuje sze z' njim.)

Szvojko! tvoje priateljztvo je moj naj vekshi kinch.

Radbud.

Hodte deca, dajte szu ruke, vredni zte da sze zadobite, moj blagoszlov imate.

(Ljudmile i Szlavoljuba ruke szlosi.)

Ztaniszlava.

I moj. Bog vasz blagoszlovi.

Ljudmila (k' māteri.)
Szlavoljub (k' Radbudu.)

(zajedno.)

Moja mati!
 Moj otec!

Radbud.

To je prvi chiztoga veszelja szat kojeg' sze vsivam!

Szlavoljub.

Oproztete onomu ztarcu, nepomochljiiv i zlab je, nam shkodeti vishe ne more, — naj pokoru chini, i sive szvoje zbrojene dneve.

Radbud.

Kajti iztinzki saluje zlochine szvoje, naj mu bude oproztjeno.

(Lomovrat z' kretanjem hvalu szvoju pokaze.)

Prizor shezti.

Jela, (doderchi z' golubom v' vraki.)

Pervejshi.

Jela.

Moramo vendar i mi dva, koji k' njihovi szrechi pomochniki bili szmo, od njihovog' veszelja kaj dobiti; kaj ne moj golub?

Szlavoljub (vzeme goluba i gladi ga.)

Verni ti branitelj ljubavi moje, ti znamenje nekrivnozi, zpomnenjek nashe ljubavi, dok sivesh, obnashal budesh.

Jela (k' Ljudmili.)

Kak me vezeli, tebe szrechnu videti, zrechi ne morem.

Ljudmila.

Vnogo tebi zahvaliti imam.

(*Szlavoljub* kase goluba *Boromiru*.)

Boromir.

Zaizto retki mladenci budu tak szrechni letechega liztonosza imati, njega tak lahko vloviti ni mochi.

Szlavoljub (preda goluba *Jeli*.)

Lepo dete, velik szem tvoj dusnik.

Jela.

Jednomu tak krasznomu vitezu szlusiti mochi, dozta velika je placha.

Boromir (k' *Szlavoljubu*.)

Priatel vezda vidim, da velika radozt biti mora jedno szerdce szebe iztinzki ljubehche szvoje imenuvati mochi.

Szlavoljub.

To szamo chutiti moremo; veruj mi

netechno je sivljenje ako vugodnozt zakonzkoga ztalisha i veszelje szrechnoga otca ne zkushamo.

Radbud.

Oztavimo ovo za nashu radozt nepri-
ztojno mezto.

Szlavoljub.

Idemo! nego szveto odszad bude ovo
mezto meni, v' kojem Ljudmila nekrivna
terpela je, i v' kojem szrécha mojega
sivljenja meni szvenushe. — Golub od
vezda bude naj szvetejsi med ztvorenjmi
zemeljzkemi meni! — golub gerb knezev
Oborgradzkeh kinchiti mora.

Radbud (jednu ruku Ljudmili drugu Szlavo-
ljubu da.)

Odszad navek nerazdrusljivi!

Zaztor opadne.

... ..

... ..

... ..

... ..

Österreichische Nationalbibliothek



+Z185616801

